

Beegottite!

Paydo 3 2017



**ALAMEE GIIGANA
DANDDAYENNEE?**

Beegottite!



3 SINTTA HUUPHE YOHUWAA Alamee Giigana Danddayennee?

*Alamee giigana danddayennaba
milatiyoy aybissee?*

*Geeshsa Maxaafay, 'Asi ba
hemetaa suurissanaagee aawu
shene gidenna' yaagees.
—Ermmaasa 10:23.*

*Ha "Beegottite!" maxeetee alamee
sinttappe lo"ana giidi daro asay
ammaniyyoy aybissakko yootees.*

QASSI HA MAXEETIYAN

8 SO ASAA MAADDIYAABAA
Naati Bantta Huuphiyaa
Kawushshanaadan Tamaarisite

10 BIITTAANNE ASAA
Niwu Ziilande Xomoosiyoogaa


12 BENI TAARIKIYAA
Alhezena

14 GEESHSHA MAXAAFAY YOOTIYOOBAA
Xoossaa Sunntaa

16 *Beegottite!* 2017n Kiyida Ayfettiya Qofaa




INTTERNNEETIYAN DE'IYA HARABAA



NAATA Tumancha Gida

Intte naati tumaa haasayanaadan
maaddite.

(GEESHSHA MAXAAFAY TIMIRTIYAA > NAATA
giyaagaa xeella)



GEESHSHA MAXAAFAY OYSHAANNE ZAARUWAA

Tumu Haymaanootiyyaa Waata Erana Danddayaanaa?

Geeshsa Maxaafay tumu
haymaanootiyyaanne worddo
haymaanootiyyaa gidдон de'iya
dummatettaa geeshshidi yootees.

(GEESHSHA MAXAAFAY TIMIRTIYAA > GEESHSHA
MAXAAFAY OYSHAANNE ZAARUWAA giyaagaa xeella)



SINTTA HUUPHE YOHUWAA

ALAMEE GIIGANA DANDDAYIIYYE, DANDDAYENNEE?

WOLQQAAMA bashshay gakkanaagaa 2017 doomettan saynttistteti yootidosona. Alamiyan awudeegaappenne wolqqaama bashshay gakkana wodee keehi matidoogaa saynttistteti lchashiyan awaajjidosona. Saynttistteti alamee xayiyoo wodee keehi matidoogaa bessanawu, Bashshaa Gallassaa Saatiyaa giyooban 30 sokonddiyaa gujjidosona. Bashshaa Gallassaa Saatee naa"u daqiiqanne baggaa qamma bilahiyaakko matiis; hegeee 60 laytta gidдон awudeegaappenne aaruwan kumetta sa'an gakkiiya bashshay matidoogaa bessees!

Ha alamiyaa wurssettawu nuuni ay keena matidaakko saynttistteti 2018n zaarettidi yigganawu halchidosona. Bashshaa

Gallassaa Saatee bashshay gakkanaagee attennaagaa ha"ikka bessii? Ne qofay aybee? Alamee giigana danddayennee? Neeni ha oyshaa zaaranawu metootana danddayaasa. Hegaara gayttidaagan eranchatu qofaykka dumma dumma. Ha alamee xayiyoogee attenna giyo qofaa maa-yiyay ubba asaa gidenna.

Miilooniyan qoodettiya asay sinttappe kehabi yaana gi ammanees. Asayinne ha pilaaneetee bashshaappe attanaagaa, qassi nu de'uwaa hanotay kaseegaappe lo"onaagaa bessiya naqaashay de'iyoo-gaa eti yootoosona. He naqaashay ammanttiyaabee? Alamee giigana danddayiyye, danddayennee?

“Bashshaa Gallassaa Saatee asay medhido qohiya tekinoloojee nu wogetaa xayssanawu keehi matidoogaa bessiya, kumetta sa'an erettidaba. Hegeetuppe koyroogeenne

waannatiyaagee niyukileeriyaa olaamiishshaa; shin eridi gidin woy bali-di woy qoppennan nu de'uwaa maaraanne ha sa'aa zaarettidi giigana danddayenna hanotan qohiya

carkkuwaa hanotaa mooriya tekinoloojiyaa, bayotekinoloji giyoonne saybertekinoloji giyoogeetikka hegeetun qoodettoosona.”
—Buleetin of zi Atomik Saynttisttis.


ALAMEE GIIGANA DANDDAYENNEE? Zaaruwaa Koyiyoogaa

DARO iitabaa siyiyo gishshawu neeni hir-ggikko woy yayyikko, hegaadan siyettiyooy ne xallaassa gidenna. Kase Amarkkaa pirezddanttee Barak Obami 2014n, oduwaa yootiyoobati ubbay iitabaa yootiyo gishshawu, ‘alamee giigana danddayenna; qassi oonikka alamiyaa giigissana danddayenna’ giidi daroti kuuyidoogaa yootiis.

SHin, i he qofaa yooti simmidi, alamiyan de’iya daro metuwaa giigissana danddayiyo ogiyaa minttidi yootiis. Kawotettay oot-tanawu halchido issi issibaa i “mishiraa-cho” yaagiis; qassi i “hidootiyoogaanne sinttappe kehabay yaana giidi qoppiyoogaa” yootiis. Hegee i lo”obaa qoppiya asati oottiyoobay alamiyaa giigissanawunne kumetta sa’an bashshay gakkennaadan teqqanawu danddayiyoogaa yootiis giyoogaa.

Daro asaykka a qofaa maayees. Leemi-suwawu, teknojolee eesuwan dicciyoogee alamiyaa metuwaa giigissees gi qoppidi issoti issoti saynisiyan ammanettoosona. Issi eranchay teknojoleenne oorattabay 2030n “sha’u kushe diccanaagaa, qassi 2045n miiloone kushe diccanaagaa” yootiis. I gujjidi hagaadan giis: “Nuuni keehi lo”obaa oottiiddi de’oos. Nuna gakkiiya metoy awudenne nu wolqqaappe darena; nuna metoy gakkanaappe kase nuuni metuwaa giigissoos.”

Alamiyaa hanotay ay keena iitee? Nuuni kumetta sa’an bashshay gakkiiyo wodiyan de’iyoo? Amarida saynttisttettinne polotikaa asati keha wodee yaanaagaa yootikonne, daro asay sinttanaabaa ha”ikka hir-ggees. Aybissi?



ASAA WURSSIYA OLAA MIISHSHATA. Kawotettatu Issippetettayne hara dirijiteti niyukileeriyaa olaa miishshaa xayssanawu danddayettida keenaa baa-xetikonne, xayssibookkona. Olaa miishshaa teqqanawu kessiyo higgiiya issi issi kawoti xaasayi xeelloosona. Niyukileeriyaa olaa miishshay de’iyo biittati

bantta kase olaa bombbiyaa zammaana oottoosona; qassi hegaappe aaruwan daro asaa woriya ooratta bombbiyaa medhoosona. Asaa wurssiya olaa miishshay kase baynna biittatussi ha”i daro asaa xayssana danddayiyo olaa miishshay de’ees.

Kawotettati awudeegaappenne aaruwan niyuki-

leeriyaa olawu giigettiyoogee, saruwan de’oos giyo wodiyanikka alamee keehi iita soho gidanaadan oottees. “Keemikale olaa miishshay asi zambennan worees; leemisuwawu, asay hirgganaadan oottiyoogaa” *Buleetin of zi Atomik Saynttisttis* giyo xuufee yootees.

NU PAYYATETTA KEEHI QOHIYAABAA. Nu payyattay lo"anaadan saynisee maaddana danddayiyoobay he keena. Harggiyan oyqquetanaadan gaaso gidiyaabay, hegeekka suuttaara gayttidabay, likkiyaappe aattidi orddiyooqee, carkkoy ham-

bbalaashettiyoogeenne jallissiyaabaa go'ettiyoogee gujji gujji biis. Daro asay kansseriyaa, wozanaa sahuwaanne sukkaariyaa sahuwaa mala asappe asa oyqqenna harggiyan hayqqees. Daroti guuggiyaa sahuwaa gujjiin, hara harggiyaa gaa-

suwan qohettidosona. Qassi mata wodeppe haa simmin Ebola bayresenne Zika bayrese mala wurssiya harggee qoppennan denddiis. Qoppa-na koshshiyaabaa: Sahuwaa asay teqqana danddayenna; qassi sahay xayiyaaba milatenna!



ASAY MERETAA MOOREES. Paabirkkay ubbatoo carkkuwaa moorees. Hambalaashettida carkkuwaa gaasuwan miilooniyan qoodettiya asay layttan layttan hayqqees.

Issi issi asay, deretettayne kawotettati mooretidabaa, xaliyaa, paabirkkaappe kiyiyaabaa, pilasttikiyaanne hambba-

laashiyaa harabaakka ano abbawu yeddoosona. "Ha moorettidabay haatta gid-don de'iya moliyaa, heгаа mala harabaanne haatta gid-don mokkiyaabata hambalaashiyooqaa, ubba qassi haatta gid-don de'iya meretaa miya asaa qohiyooqaa" *Insaykiloppidiyaa of Marin Saynis* giyo ma-xaafay qonccissees.


Qassi geeshsha haattay xayiiddi de'ees. Inggilize biittan saynisiyaabaa xaafee Robin Makey azzanidi ha-gaadan yootiis: "Haattay qaxuhatiyoogee kumetta sa'an de'iya meto gidana." Haattaa metuwaappe dariiba baggay asaa gaasuwaana gidiyoogaanne hegee keehi qohiyooqaa polotikaa asati maayoosona.



MERETAY GATTIYO DAAFABAY ASAA QOHEES. Beetay, harken, torinedo, tayfun giyo goteenne biittaa qaattay wolqqaama di'oy di'anaadan, qassi biittay woddanaadaanne hara bashshay gakk-

naadan oottees. Ha meretay gattiyo daafaban awudeegaappenne daro asay hayqqees woy qassi qohettees. Amarkkan issi dirijitee (*Nashinal Eronotiks end Ispees Administreshin*) xanna'ido-

bay "wolqqaama beetay denddanaagaa, woriya suuloy daranaagaa, qassi wolqqaama di'oyne away qohanaagaa" qonccissiis. Meretay asaa naata xayssanee?



Bashshaappe waani attanee giidi hirgganaadan oottiya harabaa qoppana danddayaasa. SHin, neeni ha wodiyan haniya iitaba ubbaa qoppiyoogan sinttanaabaa xeelliyaaagan aliya zaaruwaa demmakka. Issoti issoti polotikaa asatinne saynttis-tteti yootiyoobaa siyiyoogeeikka maad-

dennaagaa yootoosona. Gidoppe attin, hagaappe kasetiya huuphe yohuwan qonccidaagaadan, alamiyaa hanotaabaanne sinttanaabaa xeelliyaaagan denddiya oyshatussi daroti aliya zaaruwaa demmidosona. He zaaruwaa awuppe demmanee?

ALAMEE GIIGANA DANDDAYENNEE? Geeshsha Maxaafay Woygii?

HA'I alamiyan de'iya metoy Geeshsha Maxaafan daro layttaappe kase odettiis. SHin sinttappe kehabay yaanaagaakka Geeshsha Maxaafay yootees. **Geeshsha Maxaafay kasetidi odiiyoobaappe dariya baggay maalaalissiya ogiyan polettiichido gishshawu, Geeshsha Maxaafay yootiyoobay kehi koshshennaba giidi eesuwan kuuyana bessenna.**

Leemisuwawu, kaallidi de'iya Geeshsha Maxaafaa hiraagata qoppa:

- “Issi biittaa asai hara biittaa asaara olettana; qassi issi kawotettai hara kawotettaara olettana; koshainne biittaa qaattai ubbasan de7ana.”—Maatiyoosa 24:7.
- “Wurssetta gallassi waissiya wodee [yaana]. Aissi giikko, asati banttana siiqiyaageeta, miishshaa siiqiyaageeta, ceeqetiyaageeta, ayiyyaageeta, caiyyaageeta, banttana yelidaageetuyyo azazettennaageeta, galatennaageeta, geeshshatetti bannaageeta, siiqoi bannaageeta, sigettennaageeta, zigirssanchchata, banttana naagennaageeta, kehennaageeta, lo77o-baa dosennaageeta, kashi erikke giyaageeta, eesotiyaageeta, otoruwan sugettiyaageeta, qassi Xoossaappe aattidi, ufaittiyoobaa dosiyaageeta gidana.”—2 Ximootiyoosa 3:1-4.

Issi issi asay ha hiraagati alamee giigana danddayennaagaa keena yaa iitidoogaa qonccissiyaabadan qoppana danddayoosona. Ha alamiyaa asi giigissana danddayennaagee tuma. **Geeshsha Maxaafay**

yootiyoogaadan, alamiyaa giigissanawu asawu eraykka wolqqaykka baawa. Hegee hagaappe kaallidi de'iya xiqisetun qoncciiis:

- “Asaassi likke milatiya ogee de7ees; shin bin, a wurssettai haiquwan kessi yeggees.”—Leemiso 14:12.
- ‘Issi asi bawu de'iya haariyo maataa hara asa qohanawu go'ettees.’—Eranchchaa 8:9.
- ‘Asi ba hemetaa suurissanaagee aawu shene gidenna.’—Ermmaasa 10:23.

Asay ba koyiyo ubbabaa oottiyoogaa aggennaba gidikko, alamiyan ubbasan bashshay gakkana danddayees. SHin hegee hanenna! Aybissi? Geeshsha Maxaafay hagaadan gees:

- Xoossay ‘sa'aa a baasuwa bolli essiis; i meri merinawukka qaaxxenna.’—Mazamure 104:5.
- “Issi yeletai aadhdhiyo wode, hara yeletai sohuwaa oiqqees. SHin ha biittai merinawukka laamettennan de7ees.”—Eranchchaa 1:4.




Xoossay asawunne sa'awu sinttappe kehabaa ehaanawu qaalaa gelido gishshawu, Bashshaa Gallassaa Saatiyaa xeelliyaaagan odettiyaabay polettenna

- “Xilloti biittaa laattananne yan merinau de7ana.”—Mazamure 37:29.
- “Biittan daro kattai mokko; dereti kattan kamettona.”—Mazamure 72:16.

Geeshsa Maxaafay tamarissiyoo ha timirteti qoncce zaaruwaa yootoosona. Issi issibay hambalaashettiyoogan, qumayenne haattay qaxuhatiyoogan, woy kumetta sa'an gakkiiya bashshan asay xayenna. Alamee niyukileeriyaa olan xayenna. Ayssi? Xoossay sa'aa hanotaa naagiyo gishshataassa. Xoossay asawu koyidobaa dooriyo maataa immiis. SHin eti bantta kuuyidobay kaalettiyoobaa cakkana. (Galaatiyaa 6:7) Alamee eqqana danddayennanne kunddanawu eesotiya baabure mala gidenna. Asay ay keena bana qohana danddayiyaakko Xoossay zawaa wottiis. —Mazamure 83:18; Ibraawe 4:13.

SHin Xoossay hegaappe harabaa ootana. I daro 'sarottettay' de'anaadan oottana. (Mazamure 37:11) Ha huuphe yohuwan qonccidabay miilooniyan qoodettiya Yihoowa Markkati sinttappe yaana kehabaa xeelliyaaagan Geeshsa Maxaafaa xanna'iyoo wode eridobaappe amaridaba xalla.

Yihoowa Markkati layttaanne dicciddo wogan dumma dumma gidida, kumetta sa'an de'iya asata. Eti Geeshsa Maxaafay a sunttay Yihoowa gididiyoogaa yootiyo, issi tumu Xoossawu goynnoosona. Geeshsa Maxaafay hagaadan giyo gishshawu eti sinttanaabaa yayyokkonna: “Salota medhdhida GODAI, biittaakka giigissidi ootidaagee, qassi asi de7anaadaanappe attin, biittaa coo medhdhibeenna Xoossai hagaadan yaagees; ‘Taani GODAA; taappe hari baawa.’”—Isiyaasa 45:18. ■



XOOSSAAPPE YIYA MISHIRACHUWAA!

Sinttappe sa'aanne asaa gakkanabaa xeelliyaaagan ha huuphe yohuwan Geeshsa Maxaafay tamarissiyoo amaridabay qoncciiis. Gujo qofaa demmanawu, Yihoowa Markkati attamissiddo Xoossaappe Yiya Mishiraachuwa! giyo brooshuriyaa timirtte 5 xeella; qassii hagee www.jw.org/wal saytiyankka de'ees.

Qassi www.jw.org saytiyan de'iya Xoossay Sa'aa Medhdhoy Aybissee? giyo biiduwaa xeellana danddayaasa (XUUFETA > BIIDUWAA garssan xeella.)





Naati Bantta Huuphiyaa Kawushshanaadan Tamaarissite



METIYAABAA

- Intte na'ay otorettees; shin awu layttay biron tamma!
- I bana asa ubbay dummayidi xeellanaadan koyees.

Intte hagaadan qoppeeta: 'I hegaan haniyoy aybissee? Taani i babaa lo"obaa qoppaanaan koyays; shin i ubba asaappe aadhiyaabadan qoppaanaan koyikke!'

Na'i bana laafa asadan xeellennan ba huuphiyaa kawushshanaadan tamarissana danddayettii?



INTTE ERANA BESSIYAABAA

Mata wodeppe haa simmin, aawatussinne aayotussi eti bantta naati koyiyoobaa ubbaa oottanaadan, galatana bessiyaabaa eti oottana xayikkonne, coo galatanaadan, qassi naata seerennaadaaninne qaxxayennaadan odettees. Naati banttana duma asadan qoppaanaan oottikko, eti banttana bessiyaagaadan bonchidi diccoosona giidi qofettees. SHin hanotay ay bessii? *Jenereshin Mi* giyo maxaafay hagaadan gees: "Bana bonchanaadan denttettiyoogee wozannaamanne ufayttiya naati daranaadan gidennan, banttana sabbiya naati daranaadan oottiis."

Daro naati coo galatin diccido gishshawu hidootaa qanxxissiyaabay merettiyo wode, eta asi boriyo wodenne issi issitoo qoppidobay polettennan attiyo wode ammanidi ekkokkona. Eti banttabaa xallaa qoppaanaan tamarido gishshawu gasttiyo wode asara maayettidi de'anawu metootoosona. Hegaappe denddaagan, etappe daroti hirgoosonanne un"ettoosona.

Naati banttana *tumuppe* bonchanaadan oottiyay eti issibaa poliyoogaappe attin, duma asa gididabadan etawu ubbatoo yootiyoogaa gidenna. Hegawu banttanan ammanettiyoogaappe aadhiyaabay koshshees. Eti issi issi hiillaa tamarana, meezetananne kasegaappe loytti erana bessees. (Leemiso 22:29) Qassi eti hara asawu koshshiyaabaa qoppaana bessees. (1 Qoronttoosa 10:24) Hega ubbaa oottanawu eti bantta huuphiyaa kawushshana koshshees.



INTTE OOTTANA DANDDAYIYOOBAA

Galatana bessiyi wode galatite. Intte na'iyaa timirtte keettaa paaciyaa lo"o markkiyaa demmikko, o galatite. A demmido markkee guutta gidikko, coo asttamaariyan gaasoyoppite. Hegee intte na'iyaa ba huuphiyaa kawushshanaadan maaddenna. A haroode lo"o markkiyaa waata demmana danddayiyaako akeekanaadan maaddite. Lo"obaa oottiyo wode galatite.

Bessiyi wode seerite. Hegaa giyoogee eti mooro wode ubban borana koshshees giyoogaa gidenna. (Qolasiyaasa 3:21) SHin gita balaa baliyo wode seerana bessees. Iitabaa haniyo wodekka hegaadan oottana danddayettes. Hegee xayikko, hanotay yaa iitana danddayees.

Leemisuwawu, intte na'ay ayyiyoogaa doommiis giidi qoppite. Seerana xayikko, i otorettanne harati baakko shiiqennaadan oottiyoogaa doommana danddayees. Yaatiyo gishshawu, ayyiyoogee i iita gidanaadan oottiyoogaanne hegee a yeellayana danddayiyoogaa intte na'aassi odite. (Leemiso 27:2) Bana bessiyaagaadan xeelliya uri ba eraa haratuyyo awaajjana kosshennaagaakka yootite. Hegaadan na'aa siiquwan seeriyoogee i bana laafa asadan xeellennan ba huuphiyaa kawushshiyooogaa tamaranaadan maaddes.—*Geeshsha Maxaafaa maaraa: Maatiyoosa 23:12.*

De'uan gakkiiyaabawu intte na'ay gigettanaadan maaddite. Na'i koyiyoobaa ubbaa ayyo immiyoogee i aawatanaadan oottana danddayees. Leemisuwawu, intte wolqqappe darobaa intte na'ay oychiyaaba gidikko, intte wolqqadan de'ana koshshey aybissakko qonccissite. Allaxxanawu keeri uttidi, heгаа agganawu kosshikko, qoppidobay polettennan attiyooogee wottin de'iyaaaba gidiyooogaa yootana danddayeeta; qassi heгаа malabay gakkiiyo wode *intte* waatana danddayiyaakko tobbana danddayeeta. Naata ayba metoyne gakkennaadan teqqiyoogaappe, gasttiyo wode gakkanabawu gigettanaadan eta maaddite.—*Geeshsha Maxaafaa maaraa: Leemiso 29:21.*

Immanaadan minttettite. 'Ekkiiyoogaappe immiyoogee ufayssiyoogaa' intte na'aassi qonccissite. (Oosuwaa 20:35) Waatidi? Issibaa shammiyooban, issisaappe harasaa biyo wode kaamiyawu koshsheya miishshaa qanxxiyoogan woy moorettidabaa giigissiyooogan maaddana koshsheyo asaa qoppanaadan maaddana danddayeeta. Intte etappe amaridaageeta maaddiyo wode intte na'aa inttenaara efiite. Haratuyyo koshsheyaabaa kunttiyo wode *intte* keehi ufayttiyoogaa intte na'ay be'anaadan oottite. Leemiso gidiyooogan intte na'ay ba huuphiyaa kawushshanaadan hegaadan lo"o ogiyan intte tamarisana.—*Geeshsha Maxaafaa maaraa: Luqaasa 6:38.* ■

MAADDIYA XIQISETA

“Bana gitayiya oonikka kauyyana; qassi bana kaushshiya oonikka gitatana.”—Maatiyoosa 23:12.

“Ne ashkkaraassi naatettan doomin, i koyiyoobaa ubbaa ayyo imma meezeyikko, issi gallassi neeyyo de7iyaabaa ubbaa ekkanau i kajeelanaagee attenna.”—Leemiso 29:21.

“Immite.”—Luqaasa 6:38.

HARATI INTTEPPE AADHIYAABADAN QOPPITE

Geeshsha Maxaafay woygii? “Intte-na siiqiyoogan woikko ceeqettanau koyiyo hada amuwan issibaanne ootoppite; shin issoi issuwaappe gitatais yaagidi qoppennan, issoi issuwaayyo intte huuphiyaa kaushshite. Qassi issoi issuwaa go77iyabaa koyanaappe attin, intte huuphe xalaalaa go77iyaabaa koyoppite.”—Piihphisiyuusa 2:3, 4.

Ha maaraa akeekanaadan oottidi dichido na'i ubba asay issiban baappe aadhiyoogaa akeekana danddayees. Wurssettan, ba huuphiyaa kawushshiyooogee babaa xalaa qoppiya ha alamiyaa meeziyan intte na'ay hambbalaashettennadan maaddana.

Gujo qofaa demmanawu, kooddiiyaa iskaane ootta woy jw.org/amweyb sayttiyan “Ba Xallaa Siiqiya Alamiyan Naata Loyttidi Dichiyooogaa” giya huuphe yohuwaa be'a.





NIWU ZIILANDE

Xomoosiyooqaa



Melferd Sawund

ASAA GOODAA: 4.7 MIILOONE WAANNA KATAMAA: WELNGTENE
BIITTA: HUUPHESHA HARUROY BIITTA GARSSA SULOY XUUQQIYOONNE BILBBOY DE'IYO SOHO.
TOHOSSA HARUROY KUURETTIDA SHACHAY LODDAN LODDAN SOLDDIYO SOHO



MA'ORI giyo zaree ano abbaa kanttidi sha'an qoodettiya kilo meetiriyaa biidi Niwu Ziilande biittan qatoosappe 800 laytta heera gidees. He heeray eti aggidi biido hombbiyaa Polenezhiyaa haruuruwaappe keehi dummatiyoogaa akeekidosona. He sohuwan deree, deriyaappe loddan loddan solddiya kuurettida shachay, qassi bilbboyyne shachay de'ees. Ichashu xeetu laytta gidiya wodiyaappe guyyian, Awurooppan haahosaappe hara sheeshshati de'anawu yaa biidosona. Ha wodiyan Niwu Ziilande asaappe dariya baggay Anglo Saksene wogaanne Polenezhiyaa wogaa kaallees. He biittaa asaappe xee taappe 90 kushe gidiyaagee kataman de'ees. Biittaaayyo tohossa baggaara de'iya katamatu ubbaappe Welngtene katamay dummatanaadan oottiyaabay de'ees.

Niwu Ziilande haahuwan de'iya biitta gidikkonne, yan keehi lo'iya darobay de'yo gishshawu, layttan layttan

Huuphessa Haruruwan dagattida bulibuliya urqaa



HAGAA EREETII?

Niwu Ziilande giyo sunttay Nezerlanden de'ya, Ziiland giyo heeraa sunttaappe yiis. *Aweteruwaa* giyo Ma'ori suntaa birshshettay "Adussa Bootta SHaaraa Biittaa" giyoogaa.

Niwu Ziilande biittaa asaappe dariya baggay Inggilizettuwa haasayikkonne, beniisappe asay yan haasayiyo Ma'ori qaalaa loytti go'ettiyoogaanne timirtte keettan tamaariyoogaa doommidosona. Yihoowa Markkatu jw.org weybsaytee Ma'ori qaalaa de'ees.

Ma'ori giyo zareti bantta wogaa maayuwa maayidi yexxoosona



heezzu miilone gidiya asay he biittaa be'anawu biyoo-g ee garamissiyaaba gidenna.

Niwu Ziilanden daro qommo do'ati, alamiyan hasaan de'yaagaappe daro qommo paallana danddayenna kafoti de'oosona. Qassi he biittay tu'atara giyo 100 gidiya laytta de'ana danddayiya, sa'ara gooshettiya zare mala meretay de'yo soho! Xanttiya do'atuppe amarida wurkkaawurkko qommoti, qassi haattan de'ya xanttiya huwel giyoonne dolfiin giyo gita mole qommoti he biittan de'oosona.

Yihoowa Markkati Niwu Ziilande biittan minnidi haggaziyoo-gaa doommoosappe 120 laytta gidis. Eti Pole-nezhiyaa qaala gidida Nyuwan qaalaa, Raratangan, Samo'aaninne Tongan giyo qaalata gujjiin, 19 qaalaa Geeshsha Maxaafaa tamarissoosona. ■

Paallana danddayenna takahe giyo kafoy 1948 gakkanaassi muleera xayidabadaan qofettees



Silver fern giyo mittay 10 meetiriyaappe dariyaagaa aduqqana danddayees





NEENI Abu Ali Alhasan Ibn Alhaytam giyo bitaniyaabaa waaya erana. Arabattuan al-Hasan giyo a suntaa Argo biittaa asay Laatine qaalan Alhezena gees. SHin i oottidobay nena go"ennan aggenaa. I "saynisiyaara gayttidaagan keehi maaddiyaabaa oottida, erettida asatuppe issuwaa" gidiiyoogee odettees.

QANTTA QONCISSUWAA

- Alhezene saynisiyaara gayttida issi issibaa loyttidi xanna'ido gishshawu, issi issi asay a "koyro sayntistte" giidi qoppees.
- I oottidobay ha wodiya pootuwaa hiillawu keehi maaddes.
- Lenssiyaara gayttidaagan i oottidobay beni manaaxxiyaa, maykiroskooppiyaanne teleskooppiyaa medhanawu maaddiis.

ALHEZENA

Alhezene ha wodiyan Iraaqen, Baasra giyoosan 965 M.Ln yelettiis. I keemisttiriyaa, hisaabiyaa, piiziksiyaa, xoolinttiyaabaa, xaliyaabaa, muuziqaabaa, poo'uwaabaa, danttuwaabaanne harabaakka xanna'iis. Nuuni a keehi nashshanaadan oottiyaabay aybee?


NAYLE SHAAFAA ZEERUWAA

Alhezene taarikee daro wodiyaawu odetidaba. I Nayle SHAafaa zeeranawu halchidoogee odettees; shin Aswanen shaafay zeerettidoy hegaappe 1,000 gidiiya layttay aadhin 1902na.

Qassi kixxidi heeraa bashshiya Nayle SHAafaa zeeridi Gibxxe biittaa koshaappe teqqanawu keehi koyiyoogaa Alhezene yootiis. Kayro katamaa ayssiya Kalif al-Hakimi he qofaa siyidi, Alhezene shaafaa zeeranaadan a Gibxxe xeegiis. SHin Alhezene he shaafaa be'idi, he oosoy a wolqqappe daro gidiiyoogaa eris. Ba qofaa sohuwaara laamiya he iita bitanee bana qaxxayennaadan yayyidi, Alhezene ba shemppuwaa ashshanaawu katamaa ayssiyaagee 1021n hayqqanaashin gooyida asa milatidi 11 layttaa de'iis. Alhezene hegaadan hanidi gooyiya asaa akkamiyoosan takkido he wodiyan hara darobaa oottanawu go'ettiis.

POO'UWAABAA YOOTIYA SAYNISIYAA MAXAAFAA

Alhezene he aakime keettaappe kiyidi poo'uwaabaa yootiya, laappun shaahoy de'iyoo saynisiyaa maxaafatuppe dariya baggaa xaafi wurssiis; asay hegee "piizikiisiyan keehi maaddida maxaafatuppe issuwaa" giidi qoppees. He maxaafan poo'oy waanna waanna qalamiyawu waani shaahettiyaakko, poo'oy heregan phoolidi waani simmiyaakko,



Alhezeni kaameeraa
obiskiyuura giyo
koyrobaa giigissius

© 1001 Inventions

qassi issibaa giddoora kanttiyo wode waani leeqqamiyaakko i loytti xanna'idobaa qonccissiis. I ayfiyaa meretaabaanne hanotaa-baa, qassi be'idobaa shaakki eriyoo-gaa-baakka xanna'iis.

Alhezeni xaafidobay 13tta xeetu layttan Arabattuwaappe Laatine qaalawu birshshettiis; qassi hegaappe simmin de'iya xeetu layttatun, Awurooppaa eranchati hegaa waa-bedan go'ettidosona. Alhezeni lenssiyaabaa xaafidobay issi lenssiyaa haraara gattidi teleskooppiyaanne maykiroskooppiyaa giigisidanne manaaxiriyaa medhida Awurooppaa asata keehi maaddiis.

XUMA KIFILIYAA

Alhezeni alamiyan koyro erettiis giyo xuma kifiliyaa (kaameeraa obiskiyuura) giigissido wode, pootuwaa hiillawu keehi maaddiyaabaa akeekiis. He sohuwan "xuma kifiliyan" qiiba xoo'iyara poo'oy gelees; he xoo'iyara geliya poo'uwan karen de'iya issibay son godaa bolli aadhi wodhidi beetees.

Qassi 1800 heeran, he xuma kifiliyan be'iyoo misiliyaa oyqqi wottanawu maaddiya miishshaa go'ettiyoogee doomettiis. Hegege kaameeraa medhanawu maaddiis. Zammaana kaameera ubbaa hanotay, ubba qassi ayfiyaa hanotaykka he xuma kifiliyaa hanotaara issi mala.*

* Argo biittaa asay he xuma kifiliyaa hanotayne ayfiyaa hanotay issi mala gidioogaa Yohaannis Kepeleeri 17tta xeetu layttan qonccissana gakkanaassi loytti akeekibeenna.

SAYNISIYAA HIILLAA

Alhezeni oottido keehi gitabaappe issoy meretan haniyaabaa xeelliyaaagan i loytti pilggidobaa. I oottidobay he wode meeze gididaba gidenna. Issi qofay tumakkonne shaakki eranawu oottiyoo-ban mali be'ida koyro asatuppe issoy a; asay likke giyoobawu naqaashi xayikko, he yohuwaa zaaretti pilggnawu yayyenna.

"Ammaniyoobaa naqaashan bessa!" giya qofay ha wodiyaay saynisee kaalliyo maara. Issi issi asay Alhezena "ha wodiyaay saynisiyaa hiillaa doomissida asadan" qoppees. Hegaappe denddaagan, nuuni a keehi nashshoos. ■

'Saynisiyaa Waati Xanna'anaakko Nuna Tamaariissii'

Jim Al-Khalili giyo xaafee yootidoogaadan, Alhezena gooba giissiyaabay "i oottido issibaa gidennan, . . . Saynisiyaa waati xanna'anaakko nuna tamarissidobaa." I xaafido, poo'uwaabaa yootiya saynisiyaa maxaafay "suure saynise maxaafa" geetettiis; he maxaafan issibaa shaakki eranawu oottidobaa qanttann odidobay, go'ettido miishshay, likkidobayne akeekidobay qoncciiis.



XOOSSAA SUNTTAA

Miilooniyan qoodettiya asay Xoossaa sunttaa Godaa, Merinawu De'iyaagaa, Allaa, woy Xoossaa giyoogaa mala boncho sunttan xeegees. SHin Xoossawu buzo sunttay de'ees. Neeni hegaa go'ettana bessii?

Xoossaa sunttay oonee?

ISSI ISSI ASAY GIYOOBAA Banttana Kiristtaane giya daroti Xoossaa sunttay Yesuusa yaagoosona. Harati qassi Ubbaa Danddayiya Xoossay issuwaa xalla gidiyo gishshawu, a buzo sunttan xeezana bessenna goosona. Xoossaa buzo sunttaa go'ettiyoogee bessiyaaba gidenna giidi palamettiya asaykka de'ees.

GEESHSHA MAXAAFAY YOOTIYOOBAA Yesuusi Ubbaa Danddayiya Xoossaa gidenna gishshawu, Ubbaa Danddayiya Xoossaa sunttay Yesuusa gidenna. Ubba Yesuusi aagaadan goynniyaageeti, “Nu Aawau, *ne* geeshsha sunttai anjjetto” giidi Xoossaa woossanaadan eta tamarissii. (Luqaasa 11:2) Yesuusi ba huuphen Xoossaa, “Ta Aawau, *ne* sunttaa bonchcha” yaagidi woossiis.—Yohaannisa 12:28.

Geeshsha Maxaafan Xoossay, “Taani Yihoowa; hegee ta sunttaa. Ta bonchuwaa taani hara ooyyoonne immikke” yaagees. (Isiyaasa 42:8, NW) Ibraawetto oyddu guttuma pitaletun YHWH geetetti xaafettida Xoossaa sunttay, Wolayttatuwan “*Yihoowa*” geetetti birshshettees. Ibraawetto Geeshsha Maxaafan he sunttay 7,000 gidiya so-

huwan de'ees.* He sunttay “Xoossaa,” “Ubbaa Danddayiyaagaa,” woy “Godaa” giyoogaa mala ay boncho sunttaappe, qassi Abrahaama, Muusa, woy Daawita giyoogaa mala sunttaappekka darosan de'ees.

Yihooway ba sunttaa asay bonchuwan go'ettennaadan diggiyoogaa Geeshsha Maxaafay awaaninne yootenna. Ubba Xoossaa ashkharati a sunttaa go'ettidoogaa yootees. Eti bantta naata Xoossaa sunttay de'iyoo sunttaa sunttidosona; leemisuwawu, Eelaasa giyoogee “Ta Xoossay Yihoowa,” qassi Zakkaariyaasa giyoogee “Yihooway Hassayiis” giyoogaa. Qassi eti galla galla haasayiyo wode Xoossaa sunttaa go'ettoosona.—Uruto 2:4.

Xoossay nuuni a sunttaa go'ettanaadan kooyees. Geeshsha Maxaafay nuuni ‘Yihoowa galatanaadaaninne a sunttaa xeesanaadan’ minttettees. (Mazamure 105:1) Ubba i ‘ba sunttaa bonchiyaageeta’ keha ayfiyan xeellees.—Milkkiyaasa 3:16.

* Daro Geeshsha Maxaafaa birshshettati Xoossaa sunttaa kessidi, a sohuwan wogga pitaletun “GODAA” giidi xaafidosona; harati qassi Xoossaa sunttaa amarida xiqisetu xallan woy tohossa qofa xallan xaafidosona. Xoossaa sunttay *Ooratta Alamiyaa Geeshsha Maxaafaa Birshshettan* keehi darosan de'ees.

“Ne xalaalai GODAA [“Yihoowa,” NW] gidiyoogaa, neeni Ubbappe Xoqqiya Xoossai sa7aa ubbaa haariyoogaa eti erona.”
—Mazamure 83:18.



Xoossaa sunntaa birshshettay aybee?

Ibraawettuwan Yihoowa giyo sunntay “Hananaadan Oottees” giyoogaa gidiiyoogaa issi issi eranchati maayoosona. He birshshettay Xoossay ba sheniya polanawu ba koyidobaa haniyoogaa woy i medhidobay i koyiyoogaadan hananaadan oottiyoogaa bessees. He sunntaadan de'ana danddayiyay ubbabaa danddayiya Medhidaagaa xalla.

XOOSSAA SUNTTAY NENA WAATI GO"II? Xoossaa sunntaa eriyoogee neeni abaa kaseegaappe dumma ogiyan qoppaanaan oottees. Hegee neeni akko shiiqanaadan maaddana. Woni sunntaa erenna uraara waana dabbotana danddayay? Xoossay ba sunntaa neeyyo yootidoogee neeni akko shiiqanaadan i koyiyoogaa bessees.—Yaaqooba 4:8.

Yihooway ba gelido qaala poliya Xoossa gidiiyo gishshawu, i ba sunntaadan de'anaagaa ammanettana danddayaasa.

Geeshsha Maxaafay, “Ne sunntaa eriyaageeti nenan ammanettoosona” giyoy hegaassa. (Mazamure 9:10) Neeni Yihoowa sunntay aggenna siiquwaa, maarotaa, qaretaanne suure pirddaa mala a eeshshatuura gayttidaba gidiiyoogaa eriyo wode, hegaadan ammanettaasa. (Kessaabaa 34:5-7) Yihooway ba gelido qaala ubbatoo polikkonne, ba eeshshaara maayettennabaa mule oottennaagaa eriyoogee keehi minttettees!

Ubbaa Danddayiya Xoossaa sunntaa eriyoogee gita maata. A sunntaa eriyoogee neeni ha"ikka sinttappukka anijettanaadan oottana danddayees. Xoossay, “I ta sunntaa erido gishshau, taani a naagana” yaagees.—Mazamure 91:14. ■

“GODAA [“Yihoowa,” NW] sunntaa xeesiya ubbai attana.”—Yuu7eela 2:32.

Beni Ibraawetto pitaliyan kushiyan xaafettida Geeshsha Maxaafatun Xoossaa buzo sunntay darosan de'eess

Dumma dumma qalaan Xoossaa sunntaa



Jehovah	Ziova
יהוה	Xehová
Yehuwa	Jiova
Yihowa	Jeová
Joova	여호와
Jehová	エホバ
יהוה	Yawe


Beegottite! 2017n Kiyida Ayfettiya Qofaa



1



2



3

Beegottite!
maxeetee kumetta
sa'an daro asawu
imettiyaanne asay
keehi dosiyo xuufe!

Aginan aginan
100ppe dariya
qaalan 360 miilo-
oneppe daroy
attamettes!

Kaallidi de'ya, 2017n kiyida huuphe
yohota be'anawu jw.org xomoosa

ALAMIYAA

ALLAALLIYAANNE HANOTAA

Alamee Giigana Danddayennee? Paydo 3
Daafabay Gakkiyo Wode Attanawu Oottana
Danddayiyoobaa: AM Paydo 5

ASAY ASAARA DE'YOOGAA

Aaway woy aayiyaa hayqqiyo wode
(yelagata): AM Paydo 2
'Lo'o Sunttay Daro Aquwaappe Aadhees':
AM Paydo 4
Naati Bantta Huuphiyaa Kawushshanaa-
dan Tamaarissite (aawatanne aayota):
Paydo 3
Naati diccidi sooppe kiyiyo wode
(aqa de'uwaa): AM Paydo 4
Naati Kayyottiyo Wode, AM Paydo 2
Nashshiyooqaa Bessiyo Ogiyaa
(aqa de'uwaa): Paydo 1
Pashkii Giyoogaa—Haratussi Immiyo
Imotaa: Paydo 1
Son Oottiyooqay Koshshiyaaba
(aawatanne aayota): Paydo 2
Tuulamidi Issibaa Oottiyooqee
Gohiyaabee?
(yelagata): AM Paydo 5

BIITTAANNE ASAA

Ispeene: AM Paydo 2
Kazakistane: AM Paydo 5
Niwu Ziilande: Paydo 3

DUMMA DUMMABAA

Iita Ayyaana Oosoy Ayba Gohi Gattii?
AM Paydo 2
Neeyyo Oosoy Darii? AM Paydo 4
Wolqqaa Qoraphiyooqaa, AM Paydo 5

GEESHSHA MAXAAFAY YOOTIYOOBAA

Kiitanchata: Paydo 2
Masqqaliyaa: AM Paydo 2
Olaa: AM Paydo 5
Paaciyaa: AM Paydo 4
SHahaaraa Kesissiyooqaa: Paydo 1
Xoossaa Sunntaa: Paydo 3

HAYMAANOOTIYAA

Geeshsha Maxaafaa Qofay Tumuppe
Xoossay Yootobee? Paydo 2

MEDOOSAANNE DOZAA

Arkitik Tern: AM Paydo 4

OYSHA-ZAARUWAA

Guuggiyaabaa Xanna'ya Eranchay Ba

Ammanuwaabaa Yootees

(Rajesh Kalariya): AM Paydo 4
Komppiyutere Prograamiyaa
Giigissiyaagee Ba Ammanuwaabaa
Yootees (Fan Yu): Paydo 2

PAYYATETTAANNE XALIYAA

Wozanan Un'ettiya Yelagata: Paydo 1

SAYNISIIYAA

Bira Milatiya Sahaara Qaacuwa: Paydo 1
Mattay Ba Koyiyooqan Uttiyo Hiillaa:
AM Paydo 2
Moliyaa Oyyiqiyo Do'aa Ikisiyaa: Paydo 2
Nu Ulo Giddon: Paydo 2
Salo Milatiya Pooliya Beeri: AM Paydo 4
Xaadhiyaa Keettaa: AM Paydo 5

TAARIKIYAN ERETTIDA ASATA

Alhezena: Paydo 3

YIHOOWA MARKKATA

"He Siiquwaa Be'iyooqee Nuuni
Siiqanaadan Denttettiis"
(Nepaleni biittay qaaxxiis): Paydo 1



Ha maxeetiyaanne
kase maxeeteta
dawunlode ootta



Internneetiyan
Geeshsha Maxaafay
130ppe dariya qaalan
de'es

www.jw.org/wal
xomoosa woy
kooddiyaa
iskaane ootta



916.3-WL
170822